


**ACATISTUL
SF.CUVIOS
SIMEON
NOUL TEOLOG**



MOSCOVA, 2000



Ака́фист

преподóбному

Симео́ну Но́вому Богосло́ву

Творе́ние Гера́сима мона́ха Микрагианнани́та

Конда́к 1, глас 8

Подóбен: Взбра́нной Воево́де:

Яко та́инственнаго богосло́вия божество́нный
орга́н и Све́та Трисо́лнечнаго жили́ще, Богосло́ве
Симео́не, тя восхваля́ем. Но́ яко испо́лнь Ду́ха
осия́ньми, освети́ луча́ми благода́тей твои́х
вопию́щия ти: Ра́дуйся, преподо́бне
Симео́не, све́та божество́ннаго та́инниче.

И́кос 1

Ангелоподо́бен яви́лся еси́ добродете́лей
преуспея́ньми, богому́дре Симео́не Богосло́ве, и
а́нгельским твои́м гла́сом богосло́виши я́же па́че
ума́ та́инства. Те́мже твоёй све́тлости дивя́щися
вси во́пиём:

Ра́дуйся, и́мже Тро́ица воспева́ется;

ра́дуйся, и́мже тле́ние попира́ется.

Ра́дуйся, Трисо́лнечнаго Све́та обита́лище;

ра́дуйся, небесны́я жи́зни созерца́ние.

Ра́дуйся, вы́сотѣ божественна́го ра́зума, неудобѣ
исправля́мая мно́гими;

ра́дуйся, глуби́нѣ жити́я лу́чшаго, вся́ческия
добродѣтели ра́ди.

Ра́дуйся, я́ко показа́лся еси́ Це́ркве сия́ние;

ра́дуйся, я́ко яви́лся еси́ богосло́вов весѣ́лие.

Ра́дуйся, лу́че невеще́ственных осия́ний;

ра́дуйся, мо́лние проти́ву веще́ственных
воображе́ний.

Ра́дуйся, и́мже богосло́ви тайноводству́ются;

ра́дуйся, и́мже новосло́вцы зау́ща́ются.

Ра́дуйся, преподо́бне Симео́не,
свѣ́та божественна́го тайнни́че.

Конда́к 2

О́ко ду́ши твоея́ жити́ем изря́дным очи́стив
ди́вно, узре́л еси́ невеще́ственна́го свѣ́та
явле́ния, подъя́ем и́го Христо́во, преподо́бне, и,
вперив́ся Ду́хом, Симео́не Боговдохнове́нне,
взыва́л еси́: Аллилу́ия.

И́кос 2

Ра́зум божественный имый, разуме́не отрече́ся
еси́ досто́инств мирскихъ вседу́шне и, роди́телей
любо́вь презре́в, ко оби́тели Студийстей ра́дуясь
прите́кл еси́: Христу́ бо послѣдовал еси́, слы́ша от
всехъ сицевая́:

Ра́дуйся, Христо́вы любве́ сокровище;
ра́дуйся, све́та невеще́ственного приятелище.

Ра́дуйся, а́нгельскому жити́ю подража́яй;
ра́дуйся, бесо́вския де́рзости отвраща́яй.

Ра́дуйся, сосу́де многоце́нный дохнове́ния
божественного́;

ра́дуйся, мечу́ богокова́нный на пристра́стие
веще́ственное.

Ра́дуйся, я́ко прия́л еси́ в души́ огонь небесный;
ра́дуйся, я́ко всему́дре избра́л еси́ лу́чшее.

Ра́дуйся, страсте́й те́рние исторга́яй;
ра́дуйся, души́ ниву обновля́яй.

Ра́дуйся, плодо́в де́лателью безсме́ртных;
ра́дуйся, благ испо́лнивыйся нетле́нных.

Ра́дуйся, преподо́бне Симео́не,
све́та божество́ннаго тайнни́че.

Конда́к 3

Си́лу в по́двизе и во мно́зем разумéнии приéм,
Симео́не, с небесе́ и в послуша́нии ста́рчеством
соверши́вся, плоти́ское подчини́л еси́ мудрова́ние,
прему́дрости же лу́чшия испо́лнился еси́ и
Тро́ице воспева́еши: Аллилу́ия.

И́кос 3

Излия́ся бога́тая благода́ть устна́ма твои́ма, и
вла́га ти даде́ся премудро́сти; отню́ду же
богосло́вия струи́ Це́ркви источи́л еси́,
преподо́бне, и напо́яеши словесы́ твои́ми
помышле́ния вопи́ющих:

Ра́дуйся, исто́чнице богосло́вия;

ра́дуйся, пла́меню богому́дрия.

Ра́дуйся, реко́ во́д благода́тных;

ра́дуйся, сокрови́ще наставле́ний духо́вных.

Ра́дуйся, тайнни́че богопросвеще́нный вы́соких
виде́ний;

ра́дуйся, устне́ богодви́жимеи небе́сных
помышле́ний.

Ра́дуйся, я́ко веще́ства преше́л еси́ преде́лы;
ра́дуйся, я́ко догма́тов раскры́л еси́ смы́слы.
Ра́дуйся, жи́зни святы́я учи́телю;
ра́дуйся, честны́м а́нгелом ра́вне.
Ра́дуйся, хра́ме Тро́ицы та́инственный;
ра́дуйся, заре́ свети́льника небе́снаго.
Ра́дуйся, преподо́бне Симео́не,
све́та божество́ннаго та́инниче.

Конда́к 4

Живо́та божество́ннаго ма́нна, и не́ктар
безсме́ртный, и мед, из ка́мене источи́выйся,
боготво́рных твои́х уче́ний кни́га быва́ет, ду́ши
очища́ющая и к божество́нному соверше́нию
наставля́ющая вопи́ющих: Аллилу́ия.

И́кос 4

Взя́лся еси́ к ви́дению высо́ким, по Па́влу, и
Ду́хом неизрече́нная узре́л еси́, отню́ду же
богосло́в премудры́й, богосло́вствуя всем
преми́рная язы́ком богоречи́вым, Симео́не,
яви́лся еси́ вопи́ющим:

Ра́дуйся, божество́нный богосло́ве;

ра́дуйся, всему́дрый богоглаго́льниче.

Ра́дуйся, Ио́анна вели́каго отпеча́тленье;

ра́дуйся, Григо́рия божество́ннаго подо́бие.

Ра́дуйся, о́ргане многозвучный вы́соких
виде́ний;

ра́дуйся, псалти́рю одушевле́нный светоза́рных
наста́влений.

Ра́дуйся, я́ко вше́л еси́ к незаходи́мому мра́ку;

ра́дуйся, я́ко узре́л еси́ ми́р небе́сный.

Ра́дуйся, ве́рныя изумля́й словесы́ твои́ми;

ра́дуйся, ду́ши устроя́й нра́вы твои́ми.

Ра́дуйся, живота́ небе́снаго изъявителью́;

ра́дуйся, Бо́га нам чу́дный явителью́.

Ра́дуйся, преподо́бне Симео́не,

све́та божество́ннаго тайнниче.

Конда́к 5

Божество́нным раче́нием, о́тче, сла́дце уязвлен,
подъя́л еси́ небому́дренным ра́зумом искуше́ния,
ско́рби же и гоне́ния, и я́ко зла́то во огни́

искусился еси́, ꙗ́ко а́нгел же, свя́те, все́м я́вился еси́, Христу́ воспева́я: Аллилу́ия.

И́кос 5

Испра́вил еси́ ума́ твоего́ движе́ния, богому́дре, к сла́ве Спа́сове и испо́лнь премудро́сти божественны́я показа́лся еси́, Симео́не, Ду́хом Святы́м, возбужда́я к покая́нию с лю́бовию ти вопию́щих:

Ра́дуйся, сто́лпе воздержáния;
ра́дуйся, о́бразе терпе́ния.

Ра́дуйся, тайнописа́телю му́дрый обоже́ния;
ра́дуйся, разруши́телю жесточа́йшаго окамене́ния.

Ра́дуйся, уста́ медоточи́вая, ка́плющая божественну́ю сла́дость;

ра́дуйся, о́блаче богонапо́енный, ро́су жи́зни источа́яй.

Ра́дуйся, ꙗ́ко апо́стольскую благода́ть изъявля́еши;

ра́дуйся, ꙗ́ко спаси́тельное блиста́ние возсия́ваеши.

Ра́дуйся, свети́ло благода́ти все́свѣтлое;

ра́дуйся, звездо́ Лу́чшаго незаходи́мая.
Ра́дуйся, исто́чнице во́д живино́сных;
ра́дуйся, све́точу глаго́лов богодохнове́нных.
Ра́дуйся, преподо́бне Симео́не,
све́та божество́ннаго тайнниче.

Конда́к 6

Очи́стився се́рдцем, по́двига ра́ди духо́внаго,
испо́лнился еси́ осия́ний божество́нных, и
всесве́тел священноде́йствуя явля́лся еси́
ученико́м твои́м, блаже́нне. Обоже́н бо
прича́стием, всехва́льне Симео́не, вопия́л
еси́: Аллилу́ия.

И́кос 6

Сия́я видéнии, а́ки живы́й вне́ ми́ра и еди́ному
Бо́гу соедини́выйся, огнеобра́зен и богови́ден, и
ра́достен лице́м, и кро́ток явля́лся еси́ всем,
благоговéйно ти вопию́щим:

Ра́дуйся, цевни́це Уте́шителя;
ра́дуйся, дре́во ра́йское.

Ра́дуйся, и́же в веще́ствé и телеси́ безпло́тен;
ра́дуйся, и́же зра́ком и нра́вы равноа́нгелен.

Ра́дуйся, звездо́ многосве́тлая Восто́ка
та́инственнаго;

ра́дуйся, колесни́це златоиспещре́нная де́йствия
боже́ственного.

Ра́дуйся, трубо́, возглаша́ющая песнь спасе́ния;

ра́дуйся, язы́че, подава́яй кре́пость
богодарова́нную.

Ра́дуйся, све́та боже́ственного сокрови́ще;

ра́дуйся, стремле́ния о́гненнаго угаше́ние.

Ра́дуйся, честны́х та́инств зри́телю;

ра́дуйся, Бо́га трисо́лнечнаго служи́телю.

Ра́дуйся, преподо́бне Симео́не,
све́та боже́ственного та́инниче.

Конда́к 7

Ве́лий в видéниях и честны́х богозрё́ниях
показа́лся еси́, Симео́не Богосло́ве, моли́твою бо
у́мною е́же в Бо́зе восхище́ния та́инство позна́л
еси́, блаже́нне, я́ко ины́й Моисе́й,
взыва́я: Аллилу́ия.

И́кос 7

Не́ктар жи́вѣй нетлѣ́нія кнѣ́га сло́вѣс твоѣ́х
пода́ет ве́рным, Богосло́ве, Уте́шитель бо тобо́ю
Цѣ́ркви глаго́лет и провещава́ет, и пробужда́ет
вся вопия́ти ти, Симео́не, сицева́я:

Ра́дуйся, сла́во Цѣ́ркве;

ра́дуйся, ветіе́ Богонача́лія.

Ра́дуйся, очища́яй душѣ́вная оскверне́нія;

ра́дуйся, просвеща́яй на́ша помышле́нія.

Ра́дуйся, пла́меню, пояда́яй те́рнія страсте́й;

ра́дуйся, уме́, открыва́яй у́мная и зря́й.

Ра́дуйся, я́ко разреши́лся еси́ веще́ства плени́ц;

ра́дуйся, я́ко испо́лнился еси́ богото́чных во́д.

Ра́дуйся, зря́й Бо́жия сия́нія;

ра́дуйся, ненави́дяй вра́жия зло́бы.

Ра́дуйся, премуд́рых уче́ний наводне́ние;

ра́дуйся, честны́х дарова́ній гу́сли.

Ра́дуйся, преподо́бне Симео́не,
свѣ́та божѣ́ственного тайнни́че.

Конда́к 8

Стра́нное чу́до явля́шеся, о́тче Симео́не, в тебе́,
изумля́юще и весе́ляще вся: божество́нным бо
богаты́ся просвеще́нием, прему́дрых и разу́мных
яви́лся еси́ премудре́йший, неве́жда пре́жде, и
ны́не всему́дре Бо́гови поя: Аллилу́ия.

И́кос 8

Весь измени́выйся и к Бо́гови весь отше́д
изступле́нием божество́ннейшим, богому́дре, и
по прича́стию обоже́н, к вожде́ленному
возбужда́еши обоже́нию, Симео́не богосла́вне, с
любо́вию ти вопи́ющия:

Ра́дуйся, у́глю огня́ невести́тельного;

ра́дуйся, сия́ние све́та божество́нного.

Ра́дуйся, краснопи́сче обоже́ния всему́дрый;

ра́дуйся, потреби́телю ле́ности держа́внейший.

Ра́дуйся, добро́ту обоже́ния явля́яй де́ятельне;

ра́дуйся, трезве́нию спаси́тельному науча́яй
разу́мне.

Ра́дуйся, я́ко наставля́еши ино́чествующих ли́ки;

ра́дуйся, я́ко отвраща́еши враго́в полки́.

Ра́дуйся, на́ше просвеща́й мудрова́ние;
ра́дуйся, страсте́й прекраща́й стремле́ния.

Ра́дуйся, ве́рным божество́нную благода́ть
подава́й;

ра́дуйся, Бо́га за все́х умоля́й.

Ра́дуйся, преподо́бне Симео́не,
све́та божество́ннаго тайнниче.

Конда́к 9

Стра́сти душе́вныя очища́я уче́нии твои́ми
святы́ми, ко обре́тению на́с пробужда́еши,
трезве́нием и моли́твою, о́тче, многоце́ннаго
ка́мене живо́тнаго, его́же дре́вле погуби́хом;
те́мже ны́не ко Христу́ возопи́м: Аллилу́ия.

И́кос 9

Вети́я богосло́вия та́инственнаго показа́лся еси́,
стяжа́в свы́шняго ра́зума: всего́ бо ты Уте́шитель
привлече́, о́тче, я́коже благоволи́, и страна́я и
пресла́вная провеща́л еси́ вопи́ющим:

Ра́дуйся, гла́се Бо́жий святы́й;

ра́дуйся, молча́ние враго́в соверше́нное.

Ра́дуйся, испо́ль небесе́снаго тайнонау́чения;

ра́дуйся, проро́че лу́чшаго раче́ния.

Ра́дуйся, ветіе богонауче́нный премудро́сти
Бо́жия;

ра́дуйся, мечу́ обоюдоу́стрый проти́ву преле́сти
вра́жия.

Ра́дуйся, я́ко учи́ши восхожде́нием
боже́ственным;

ра́дуйся, я́ко направля́еши к пу́ти спасе́ния.

Ра́дуйся, Христо́ву ме́ртвость нося́й;

ра́дуйся, боже́ственное осия́ние на́м подава́яй.

Ра́дуйся, да́ром сло́ва обогати́выйся;

ра́дуйся, всем боже́ственная глаго́лавый.

Ра́дуйся, преподо́бне Симео́не,
све́та боже́ственного тайнни́че.

Конда́к 10

Уста́ боже́ственная показа́лся еси́ и Но́вый
Богосло́в Христо́вой Це́ркви, богому́дре, в не́йже
но́вая и ве́тхая от сокрови́ща отры́гну се́рдца
твоего́, я́ко кни́жник богоприя́тен, я́коже
глаго́лет Спаси́тель, Ему́же пое́ши: Аллилу́ия.

И́кос 10

Свѣта невещественнаго божественное зеркало
явѣлся еси́, прише́д ко откровѣ́ннѣм
божественнымъ, Богослѣ́ве о́тче Симео́не, и вся
вѣ́рныя зове́ши ко причаще́ннѣмъ бла́гимъ, ихже
обрѣ́л еси́. Те́мже ти желáннѣмъ вопи́емъ:

Ра́дуйся, уста́ неизрече́нныхъ;
ра́дуйся, о́ко небѣ́сныхъ.

Ра́дуйся, светозáрности божественныя
сокро́вище;

ра́дуйся, дарова́ний святы́х водворѣ́ннѣе.

Ра́дуйся, розгѣ́ многоплодоно́сная Лозы́
живо́тныя;

ра́дуйся, грѣ́зде всеспѣ́лый равноа́нгельнаго
жи́тельства.

Ра́дуйся, я́ко к небѣ́сному желáннѣмъ
воспламеня́еши;

ра́дуйся, я́ко за́кон благода́тны́й явля́еши.

Ра́дуйся, Христа́ просла́вивы́й жити́емъ твои́мъ;

ра́дуйся, вѣ́рныя устроя́й сло́вомъ твои́мъ.

Ра́дуйся, о́бразѣ́ свята́го стремлѣ́ннѣе;

ра́дуйся, раю́ дивна́го безстра́стия.

Ра́дуйся, преподо́бне Симео́не,
све́та божество́ннаго тайнни́че.

Конда́к 11

Вше́д, Богосло́ве, в пресве́тлый мрак, прия́л еси́
во скрижа́лех серде́чных богосло́вия
та́инственна́го богозапеча́тлѣнныя скрижа́ли в
Ду́се, и́миже тайноводству́емся к божество́нному
раче́нию, вопи́юще: Аллилу́ия.

И́кос 11

Свет, Све́ту трисо́лнечному прибли́жився,
яви́лся еси́ ми́ру, я́коже глаго́лет Влады́ка, и
просвеща́еши ду́ши на́ша и светотвори́ши
твои́ми уче́нии, свя́те, и́миже мра́ка
избавля́емся страсте́й, любо́вию ти вопи́юще:

Ра́дуйся, я́ко свет в ми́ре возсия́вый;

ра́дуйся, кре́пость словеси́ прида́вый.

Ра́дуйся, де́йства божество́ннаго учи́телю;

ра́дуйся, в по́двизе небесный челове́че.

Ра́дуйся, трисо́лнечныя благода́ти оби́теле
явленна́я;

ра́дуйся, даро́в духо́вных орга́не боголе́пный.

Ра́дуйся, я́ко подъя́л еси́ искуше́ния
му́жественне;

ра́дуйся, я́ко подае́ши просвеще́ние богода́нне.

Ра́дуйся, пра́вило преподо́бнаго жити́я;

ра́дуйся, свети́льниче неизрече́ннаго обоже́ния.

Ра́дуйся, у́мная движе́ния облиста́й;

ра́дуйся, на́ша сердца́ просвеща́й.

Ра́дуйся, преподо́бне Симео́не,
све́та божество́ннаго тайнниче.

Конда́к 12

Ли́ет во́ду божество́нную, теку́щую, о́тче, в
жизнь ве́чную, непреста́нне и благоуха́ние
источа́ет живо́тное и весели́т мы́сль на́шу кни́га
уче́ний твои́х, в не́йже поуча́ющесея
вопи́ем: Аллилу́ия.

И́кос 12

Песносо́ставный ве́нец честно́му ве́рху тво́ему
прино́сим, ча́да тво́я, о́тче, его́же при́ем
оте́чески, лучу́ божество́ннаго све́та нам да́руй:

вѣ́рно бо к тебѣ́ притека́ем и не преста́ем
вопиа́ти:

Ра́дуйся, отце́в добро́то;

ра́дуйся, преподо́бных украше́ние.

Ра́дуйся, иере́ев пра́вило свяще́нейшее;

ра́дуйся, ино́чествующих о́тче
боже́ственнейший.

Ра́дуйся, богосло́вов похва́ло, Богосло́ве чу́дный;

ра́дуйся, благо́чествующих утвержде́ние и
тайноводи́телю сла́вный.

Ра́дуйся, Це́ркве богоза́рнейший сто́лпе;

ра́дуйся, правосла́вных небесносве́тлый
свети́льниче.

Ра́дуйся, имже́ све́та исполня́емся;

ра́дуйся, имже́ страсте́й избавля́емся.

Ра́дуйся, му́дрый вождю́ твои́м ча́дом;

ра́дуйся, и на́м при́сно предста́тельствуй.

Ра́дуйся, преподо́бне Симео́не,
све́та боже́ственного тайнниче.

Конда́к 13

О божѣ́ственный о́тче, Симео́не Богосло́ве,
свѣ́тило Христо́вы Цѣ́ркве, приѣ́м на́ша гла́сы,
свѣ́том благода́ти, в тебѣ́ су́щия, облиста́й
благоче́стне пою́щия тя и Тро́ице
вопию́щия: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Моли́тва

О богоно́сный и христонóсный и духоно́сный
о́тче Симео́не, Но́вый Богосло́ве, преподо́бных
похва́ло, иере́ев сла́во, богосло́вов усажда́ние,
моли́твы у́мныя учи́телю, Бо́га просла́вльший и
от Бо́га просла́вленный в житии́ твоём, па́че же
по сме́рти, земный а́нгеле и небе́сный челове́че,
ра́досте духо́вная и душе́вное весе́лие нам,
смирённым твои́м рабо́м и недостóйным твои́м
сыно́м, со благоговéнием и любóвию
пра́зднующим свяще́нную и светонóсную па́мять
твою́! Приими́ песнь сию́, ю́же прино́сим ти я́ко
да́р ничто́жный и малей́ший, за вели́кия
благода́тныя да́ры, ихже всѣ́ наслади́хомся,
приѣ́мше я́ от тебѣ́, из кни́ги свяще́нных словéс
твои́х, и не отвер́жи сию́, я́ко твоего́
великоле́пия недостóйну: отню́д бо не́мощни

есмы́, е́же досто́йно восхва́лити тя, толи́каго
богосло́ва ве́лия. И в жити́и сем сохра́най нас
моли́твами твои́ми от вся́каго вре́да душе́внаго
и теле́снаго, ви́димых же и неви́димых враг,
моля́ непреста́нно И́же в Тро́ице Бо́га, да
сподо́бит и нас, смире́нных, та́инственно
ощути́ти посреде́ се́рдца на́шего у́мная де́йства
боже́ственныя благода́ти Свята́го Ду́ха, ю́же
погуби́хом, увы! нераде́нием на́шим и
страстьми́; в бу́дущем же ве́це изба́ви ны
твои́ми си́льными ходата́йствы от стра́шнаго
осу́ждения и му́ки ве́чныя, и сподо́би нас
ве́чнаго блаже́нства во Христе́ Иису́се, Го́споде
на́шем, Ему́же подоба́ет вся́кая сла́ва, че́сть и
покло́нение, со безнача́льным Его́ Отце́м и
Пресвяты́м и Животворя́щим Его́ Ду́хом, ны́не и
при́сно и во ве́ки веко́в. Аминь.



ПОЛНЬІЙ АКАФИСТНИК КАНОНИЧЕСКІЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО